

**Uunga siunnersuut: Inunngortunik toqusunillu nalunaaruteqartarnek, ilisinerit
iliveqarfiillu pillugit Inatsisartut inatsisaat nr. xx, xx 2016-imeersoq
(Inniartitaanermut Kultureqarnermut, Ilisimatusarnermut, Ilageeqarnermullu
Naalakkersuisumit saqqummiunneqartoq)**

pillugu

**Kultureqarnermut, Inniartitaanermut, Ilisimatusarnermut Ilageeqarnermullu
Ataatsimiititaliap**

Siunnersuutip aappasaanneerpeqarneranut

ISUMALIUTISSIISSUTAA

Ataatsimiititaliap suliarinninnermini inuttarai:

Inatsisartunut ilaasortaq, Vivian Motzfeldt, Siumut, siulittaasoq

Inatsisartunut ilaasortaq, Peter Olsen, Inuit Ataqtigiit, siulittaasup tullia

Inatsisartunut ilaasortaq, Suka K. Frederiksen, Siumut

Inatsisartunut ilaasortaq, Poul Hansen, Demokraatit

Inatsisartunut ilaasortaq, Mimi Karlsen, Inuit Ataqtigiit

UPA2016-mi 11. april 2016 siunnersuutip siullermeerpeqarnerata kingorna siunnersuut
ataatsimiititaliamit misissorneqarpoq.

Siunnersuutip imarisaa siunertaalu.

Siunnersuummi siunertarineqarpoq Peqqussutip ukiut 25-it atuussimasup nutarterneqarnissaa,
tamatumunnga atatillugu inunngortoqarsimatillugu, toqusoqarsimatillugu aamma ilisisarnerit
toqusullu timaanik ikuallaasarnerit pillugit aalajangersakkanik pilersitsinissaq
pissusissamisoortutut isigineqarmat.

Peqatigisaanillu inatsisissami siunnersuutikkut toqusut timaasa qanoq iliorneqartarnissaat
inatsisitigut aalajangiiffigineqassaaq, tassa toqusut timaat ilisaassappata imaluunniit

ikuallanneqassappata. Tamatumunnga atatillugu inatsisissatut siunnersuummi aalajangersarneqassaaq toqusup timaa pillugu isumaqatigiinngittoqartillugu qanoq iliuuseqartarnissaq, imatut oqaatigalugu kikkut ilisinissamut piginnaatitaanersut, taamaaliornikkut ilisinissamut toqungasulluunniit timaanik ikuallaanissamut qinnuteqartoqarsinnaalluni.

Inatsisissatut siunnersuummi Inunngortartut toqusartullu nalunaarutigineqartarneri pillugit, kina nalunaartussaataitaanersoq pillugit oqaaseqatigiinnik nutaanik ilaneqarsimavoq.

Inatsisartunit siunnersuutip siullermeerneqarnera.

Partiit tamarmik attaviitsullu siunnersuut ataasiakkaanik oqaaseqarfigalugu taperserpaat, inatsisissatullu siunnersuutip imarisaanut allannguutissatut siunnersuuteqarfigalugu. Assersuutigalugu kissaatigineqarpoq kristumiussutsimit allaanerusumik upperisallit inatsisissatut siunnersuut pillugu tusarniaaffigineqarnissaat. Kristumiussutsimik allaanerusunik upperisallit tusarniaaffigineqareerpata aatsaat siunnersuutip aappassanneerneqarnissaa kissatigalugu oqaatigineqarpoq. Toqusup nammineq imaluunniit toqusup qanigisaasa kissateqarnerat naapertorlugu, toqusup immikkut attuumassuteqarfigisaanut arsakut siaruarterneqartarnissaat pillugu §7. Imm. 2-p eqaannerusumik aaqqinneqarnissaa kissaatigineqarpoq.

Tusarniaanermi akissutit.

Tusarniaanermi akissutigineqartut siunnersuummut ilanngunneqarput, tamannalu Inatsisartut siulitaasoqarfiani piumasaqaatinut naapertuuppoq.

8. decembarimiit 12. januaarimut siunnersuut tusarniutigineqarsimasoq ataatsimiititaliamit maluginiarneqarpoq. Piffissami sulinnigffeqarfiusumi tusarniaanermut piffissaritinneqartoq sivitsoqqaartinnagu Naalakkersuisut tusarniaasarnissaat pinaveersaartinneqqallugu ataatsimiititaliamit kaammattuutigineqassaaq. Tusarniaaffigineqartut siunnersuummut kinguneqarluartumik akissuteqartarnissaat periarfissaqartinneqartariaqarpoq.

Tamatumunnga atatillugu Kalaallit Nunaani upperisamit kristumiussutsimit allaanerusumik upperisallit sooq tusarniaaffigineqarsimannginneri ataatsimiititaliamit allakkatigit Naalakkersuisunut apeqqutigineqarpoq. Kiisalu inatsisissatut siunnersuut ingelateqqinnginnerani upperisarsioqatigiit allat tusarniaaffigineqarniarnersut ataatsimiititaliamit apeqqutigineqarpoq. Tamatumunnga akissuteqarnermini Naalakkersuisoq nassuiaateqarpoq Ilinniartitaanermut, Kultureqarnermut, Ilisimatusarnermut, Ilageeqarnermullu Naalakkersuisoqarfik siorngatigit tusarniaasarnernut piffissaritinneqartumik sapaatip akunnerinik tallimanik sivikinnerusumik piffissalerlugu tusarniaasoqartoq.

Kinguneratigut Ilinniartitaanermut, Kultureqarnermut, Ilisimatusarnermut, Ilageeqarnermullu Naalackersuisoq akissuteqarpoq upperisarsiornermik peqatigiiffiit arfinillit inatsisissatut siunnersuut pillugu tusarniaanermi atortussanik nassiussiffigineqarsimasut, kisiannili akissuteqarnissamut piffissaritinneqartoq nallermat akissutinik takkuttoqarsimanngitsoq.

Upperisarsioqatigiit sinniisaannut marlunnut Naalackersuisoqarfik sooq tusarniutigineqartunut akissuteqarsimannginnersut paasiniarlugu oqarasuaatikkut attaveqarsimavoq. Upperisarsioqatigiit sinniisaasa tamarmik uppernarsarpaat tusarniut tigusimallugu kiisalu inatsisissatut siunnersuummut oqaaseqaatissaqaratik.

Apeqqutit.

Ataatsimiititaliap siunnersuummik suliaqarnerminut atatillugu Ilinniartitaanermut, Kultureqarnermut, Ilisimatusarnermut, Ilageeqarnermullu Naalackersuisoq apeqqutitut marlunnut akissuteqarnissaanik qinnuigisimavaa. Ataatsimiititaliap apeqquteqaataasa kiisalu Naalackersuisup akissuteqaataasa assilineri **ilanngussaq 1, 2 aamma 3-tut** isumaliutissiisummut ilanngunneqarput.

Ataatsimiititaliap siunnersuummik suliaqarnera

§ 7, imm. 2 tungavigalugu qummuattat ilineqarnissamik imaluunniit siaruarterneqartarnissamik tungaanut taamaallaat palaseqarfimmiitinneqartarnissaat pillugu aalajangersakkap allanngortinneqarnissaanut Naalackersuisoqarfiup ammanera ataatsimiititaliamit tikilluaqquneqarpoq. Taamaalilluni inatsimmi toqusup ilaqaataasa qummuattap arsanik imallip inissinneqarnissaanut pitsaanerpaatut isigisaanni inissinneqarsinnaanera immikkut akuerineqarsinnaanngorpoq.

Inatsisissatut siunnersuummi allaqqasutut palaseqarfiup aalajangiigaanut aalajangiisinnaaneranit pitsaanerusumik arsat siaruarterneqartarneranut tunngatillugu ilaqutariit aalajangiisinnaanissaat inatsimmi isumaliutigineqartariaqartoq ataatsimiititaliaq isumaqarpoq. Qummuattap arsanik imallip aamma arsat siaruarterneqartarnerinut ilaqutariit kissaataat malillugu Naalackersuisut eqaannerusumik aaqqiinissaat ataatsimiititaliamit kaammattuutigineqarpoq. Siunnersuutip aappasaanererneqarnissaanut Naalackersuisut qummuattat toqusimasut ikuallanneqarsimasut toqqorsiviinut kiisalu arsat siaruarterneqartarnerinut piumasaqaatit qasukkartinneqarnissaat pillugu allannguutissatut siunnersuuteqassasut ataatsimiititaliaq isumaqarpoq. Tamatumunnga atatillugu Kalaallit Nunaata inukitsunnguunera isorartunerujussualu ataatsimiititaliamit eqqaasitsissutigineqassaaq.

Siunnersuummi oqaatsitsigut ajornartorsiutaasut aamma amigaatit iluarsiniarlugit Naalackersuisut allannguutissatut siunnersuuteqarnialersut ataatsimiititaliap siunnersuummik suliaqarnerata nalaani ilisimatitsissutigineqarpoq.

Taakkua saniatigut ataatsimiititaliaq allanik oqaaseqaateqassalluni pissutissaqanngilaq

Siunnersuutip aningaasatigut kingunissai

Siunnersuutip piviusunngortinneqarnerani aningaasatigut kinguneritinneqartussat siunnersuutip nalinginnaasumik oqaaseqaatitaani allaaserineqarsimapput. Tassani ima allassimasoqarpoq

” 3. Allaffissornermi aningaasatigullu pisortanut kingunissai:

a) Aningaasatigut kingunissai Ilimagineqanngilaq siunnersuut pisortanut aningaasatigut kinguneqassasoq. Pisussaaffiit siunnersuummi aalajangersarneqartut Iliveqarfiit pillugit peqqussummit annertunerusutigut ingerlateqqinneqassapput, periusaareersunillu inatsisikkut atuutilersitsinermik takutitsissallutik.”

Ataatsimiititaliap inassuteqaataa

Oqaatsitsigut kukkunerit iluarsineqarnissaat kiisalu amigaatigineqartut iluarsineqarnissaat kiisalu isumaliutissiisummi matumani kaammattuutigineqartut akuersarneqarnissaat siunertaralugu siunnersuutip aappassanneererneqarnerani Naalakkersuisut allannguutissatut siunnersuummik saqqummiussaqaarnissaat naatsorsuutigalugu matumuuna ataatsimiititaliap **isumaqatigiittup** siunnersuut akuerisassanngorlugu innersuuppaat.

Taamatut oqaaseqarluni isumaliutissiisummilu allassimasutut paasinnilluni matumuuna ataatsimiititaliap siunnersuut aappassaanniigassanngortippaa.




Vivian Motzfeldt,
siulittaasoq



Peter Olsen, siulittaasup
tullia



Suka K. Frederiksen



Poul Hansen



Mimi Karlsen



Ilanngussaq Bilag 1

Ilinniartitaanermut, Kultureqarnermut,
Ilisimatusarnermut Ilageeqarnermullu
Naalakkersuisoq
/Maani

Ulloq: 20-04-2016

J.nr.: 01.39.01.03-00166

UPA 2015/115 pillugu Naalakkersuisunut allagaqaatit apeqquteqaateqarfigneqassappata

Kultureqarnermut, Ilinniartitaanermut Ilageeqarnermut Ilisimatusarnermullu Ataatsimiititaliamit Imm. 115 toqusoqarsimatillugu inunngortoqartillugulu nalunaarsuisarneq aamma iliveqarfiit pillugit siunnersuummik siullermeerlugu eqqartorneqarnerani aalajangiunneqarpoq Naalakkersuisut upperisaqaqatigiinnik allanik sooq tusarniaasimanginersut paasiniassallugu.

Taamaattumik ataatsimiititaliamit apeqqutit uku akineqarnissaat ataatsimiititaliamit kissatigineqarpoq:

1. Kalaallit ilagiit upperisaannit allaanerusumik upperisalinnut tusarniaasoqarsimanginneranut immikkut suna tunngavigineqarsimava?
2. Naalakkersuisut ataatsimiititaliap inatsissatut siunnersuutininik suliaqarnermi suliamut attuumassuteqartut tamarmik tusarniarneqartarnissaannik tunngaviatigut isumaat malikkaat ataatsimiititaliamit naatsorsuutigineqarpoq. Tamanna tunngavigalugu ataatsimiititaliamit paasineqarusuppoq imm. 115.-mut tunngatillugu Kalaallit Nunaani upperisaqaqatigiit allat tusarniaaffigineqarniarnersut? Tamatumunnga tunngatillugu ataatsimiititaliamit ilisimatitsissutigineqassaaq imm. 115.-nip aappassanneernejarnissaa pingajussaanneernejarnissaalu ullunut 25. maj 2016 aamma 2. juni 2016 ataatsimiititaliamit siulittaasoqarfimmu qinnuteqaatigineqarsimammat.

Apeqqutit qulaani pineqartut ullut suliffiusut tallimat ingerlaneranni kalaallisut danskisullu akissuteqarfigneqarnissaat ataatsimiititaliamit kissatigineqarpoq mail una atorlugu ina@ina.gl.

Ataatsimiititaliamit allagaqaatit apeqquteqaateqarfigneqassappata Naalakkersuisoqarfik ataatsimiititaliap allattaaq RFR@inatsisartut.gl atorlugu saaffigineqarsinnaavoq.

Kultureqarnermut, Ilinniartitaanermut Ilageeqarnermut Ilisimatusarnermullu Ataatsimiititaliaq sinnerlugu.

Inussiarnersumik inuulluaqqusillunga


Vivian Motzfeldt

Ataatsimiititaliap siulittaasua



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliamut

Ilanngussaq
Bilag 2

**UPA 2016/115, Inunngortunik toqusunillu nalunaaruteqartarnej, ilisinerit
iliveqarfiillu pillugit Inatsisartut inatsisissaattut siunnersuut pillugu
allaganngorlugu apeqqutinut akissut.**

10-05-2016
Sagsnr. 2016-12903
Dok. nr. 2618043

Postboks 1029
3900 Nuuk
Tlf: +299 34 50 00
Fax: +299 32 20 73
Email: iklin@nanoq.gl
www.nanoq.gl

Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliap ulloq 20.4.2016 Naalakkersuisut qinnuigivaat inatsisissatut
siunnersuutip suliarineqarnerat atatillugu Kalaallit Nunaanni ilagiit saniatigut uppeqatigiit
allat soq tusarniarneqarsimannginnerat annertunerusumik nassuiaqqullugu.

1. Kalaallit ilagiit upperisaannit allaanerusumik upperisalinnut
tusarniaasoqarsimannginneranut immikkut suna tunngavigineqarsimava??

*Inunngortunik toqusunillu nalunaaruteqartarnej, ilisinerit iliveqarfiillu pillugit
inatsisissatut siunnersuutip tusarniutigineqarneranut atatillugu tusarniaanermi
allattuivik oqaluffinni allattaavissuit pillugit akuerineqarneranut atatillugu siorna
atorneqartoq atorneqarpoq. Tusarniaanermi allattuiviup assinga ilagiit pillugit
inatsisissap 2010-mi akuerineqarneranut kiisalu ilagiit pillugit inatsisip 2013-imi
nutarterneqarneranut atatillugu atorneqarpoq. Taamaalilluni ilagiinni pissutsit
pillugit inatsisiliornermut atatillugu kikkut tusarniaaffigineqartarnissaannik
ileqqoqarnikuuvoq. Inatsisissatut siunnersuutip tusarniaavigineqarneranut
atatillugu siunnersuutip ilagiit saniatigut uppeqatigiinnut allanut aamma
pingaaruteqarsinnaanera naalakkersuisoqarfiup naammattumik
eqqumaffigisimanngilaa.*

2. Naalakkersuisut ataatsimiititaliap inatsisissatut siunnersuutit suliaqarnermi
suliamut attuumassuteqartut tamarmik tusarniarneqartarnissaannik
tunngaviatigut isumaat malikkaat ataatsimiititaliamit naatsorsuutigineqarpoq.
Tamanna tunngavigalugu ataatsimiititaliamit paasineqarusuppoq imm. 115.-mut
tunngatillugu Kalaallit Nunaani upperisaqatigiit allat
tusarniaaffigineqarniarnersut? Tamatumunnga tunngatillugu ataatsimiititaliamit
ilisimatitsissutigineqassaaq imm. 115.-nup aappassaanernejarnissaa
pingajussaanernejarnissaalu ullunut 25. maj 2016 aamma 2. juni 2016
ataatsimiititaliamit siulittaasoqarfimmut qinnuteqaatigineqarsimammat.

*Inatsisissatut siunnersuutit suliarineqarnerannut atatillugu
tusarniaaffigineqartussat suliamut attuumassuteqartut
tusarniaavigineqartarnissaannik isumaq Naalakkersuisut soorunami*

isumaqatigaat. Kalaallit Nunaanni uppeqatigiinnut allanut tusarniaaneq taamaammatt aallartinneqarpoq. Inatsisartut tassunga atatillugu suliamik sularinneqqinnissaat eqqarsaatigalugu tusarniaanermi sivikillisamik piffissalisoqarpoq, tassungali peqatigitillugu tusarniaaffigineqartunut erseqqissarneqarluni siunnersuut pillugu apeqqutissaasinnaasut akinissaannut Naalakkersuisoqarfik piareersimasoq.

Tusarniaanermi akissutit tiguneqartut pillugit Ataatsimiititaliaq ilisimatinneqarumaarpoq.

Inussiarnersumik inuulluaqqusilluta



Nivi Olsen



**Uunga Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq**

Ilanngussaq 3
Bilag

**UPA 2016/115 pillugu Kalaallit Nunaanni upperisarsioqatigiit tusarniaavigineqar-
nerat**

13-05-2016
Suliap nr 2015 - 12903
All. nr 2751862

Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliaq ulloq 20. april 2016-imi allakkatigut Inunngortunik toqusunillu nalunaaruteqartarnek, ilisinerit iliveqarfiillu pillugit Inatsisartut inatsisaat nr. xx, xx 2016-imeersumut siunnersuut pillugu Naalakkersuisunut apeqquteqarpoq. Apeqqutit ulloq 25 april Naalakkersuisut akissuteqarfigaat, taassumalu saniatigut oqaatigalugu, tulliullugu ilagiit kalaallit saniatigut upperisarsioqatigiinnut allanut tusarniaassutigalugu inatsisissatut siunnersuut Naalakkersuisunit nassiunneqassaaq.

Postboks 1029
3900 Nuuk
Oqarasuaat: +299 34 50 00
Allak.: +299 32 20 73
Email: ikiin@nanoq.gl
www.nanoq.gl

Taamaattumik tassunga uiggiullugu tusarniaaneq pillugu Ataatsimiititaliaq ilisimatitsissuteqarfigissavara. Upperisarsioqatigiit arfinillit, matumani ilanngullugit Jehovap Nalunaa-jaasui, Bahai, Frelsens Hær, Ebenezerit, Kalaallit Nunaanni ilagiit imminnut ingerlatittut INO aamma katuullit oqaluffiat Krist Konge Kirke, inatsisissatut siunnersuut pillugu tusarniarnermut atortunik nassinneqarput. Upperisarsioqatigiit Naalakkersuisunut ilisimatitsissutigineqartut tassaapput upperisarsioqatigiit taakkua Kalaallit Nunaanni sinniisoqartut aaqqissuussallutillu. Upperisarsioqatigiit pillugit paasissutissat ilaatigut biskoppip allaffiata qallunaallu Kirkeministeriaqarfiata ikiunneratigut naammassineqarput.

Tusarniaanermut atortut ulloq 3 maajimut piffissalerlugit ulloq 25 aprili nassiunneqarput. Taassuma saniatigut tusarniaanermut peqataasut piffissaliunneqartup sivikippallaarnera ajuusaarutigalugu allaffigineqarput. Tusarniaanermulli akissuteqartoqanngilaq. Upperisarsioqatigiinnut ataasiakkaanut tusarniaarnermut atortussat apuussimanersut uppernarsarniarlugu, kingusinnerusukkut upperisarsioqatigiinnut sinniisut marluk Naalakkersuisoqarfiup oqarasuaatikkut attaveqarfigisimavai. Marluullutik atortussat tigusimallugit uppernarsarpaat, inatsisissatullu siunnersuummut oqaaseqaatissaqannginnerarlutik.

Inussiarnersumik inuulluaqqusilluta

Nivi Olsen